

## JONES-DAVIES, THOMAS ELLIS (1906 - 1960), meddyg a chwaraewr rygbi rhyng-genedlaethol

**Enw:** Thomas Ellis Jones-davies

**Dyddiad geni:** 1906

**Dyddiad marw:** 1960

**Priod:** Nesta Jones-Davies (née Jones)

**Rhiant:** Winifred Anna Jones-Davies (née Ellis)

**Rhyw:** Henry Jones-Davies

**Rhyw:** Gwryw

**Galwedigaeth:** meddyg a chwaraewr rygbi rhyng-genedlaethol

**Maes gweithgaredd:** Meddygaeth; Chwaraeon a Gweithgareddau Hamdden

**Awdur:** Megan Ellis

Ganwyd 4 Mawrth 1906, mab hynaf **Henry** a Winifred Anna Jones-Davies, Glyneiddan, Nantgaredig, Sir Gaerfyrddin. Derbyniodd ei addysg yn ysgol ramadeg Caerfyrddin, ysgol St. George, Harpenden, coleg Gonville a Caius, Caergrawnt, ac ysbyty St. George, Llundain. Graddiodd yn M.A. a M.D. (Cantab), F.R.C.P. (Llundain) a D.P.H. (Llundain).

Bu'n swyddog meddygol cynorthwyol i gyngor sir Llundain am rai blynyddoedd cyn ei benodi'n swyddog meddygol (M.O.H.) dros sir Faesyfed yn 1938. Yn ystod Rhyfel Byd II gwasanaethodd fel swyddog yn y R.A.M.C., ac yn ddiweddarach penodwyd ef yn feddyg ymgynghorol, yn arbenigo yng nghlefydau'r galon, yn ysbyty gorllewin Cymru yng Nghaerfyrddin, swydd y bu ynddi am ddeng mlynedd, hyd ei farw.

Ymddiddorai mewn pob math o chwaraeon, gan gynnwys rygbi, tennis, criced, a hoci, ond fel canolwr ar y maes rygbi y daeth yn adnabyddus dros gylch eang. Chwaraeodd rygbi dros Brifysgol Caergrawnt a chlybiau Llanelli, Cymry Llundain, yr Ysbytai Unedig, swydd Middlesex, a'r Barbariaid. Dewiswyd ef i chwarae dros Gymru nifer o weithiau, a hefyd dewiswyd ef yn aelod o'r tîm Prydeinig a deithiodd i Seland Newydd ac Awstralia yn 1930.

Fel ei dad chwaraeodd ran amlwg ym mywyd cyhoeddus Sir Gaerfyrddin. Dewiswyd ef yn uchel-sirydd yn 1952-53, a gwasanaethodd fel dirprwy raglaw ac ynad heddwch dros y sir. Bu'n llywydd cangen Caerfyrddin o'r Gymdeithas Ryddfrydol ac o'r Llenng Brydeinig.

Yn 1938 priododd â Nesta, unig ferch Dr. a Mrs. Hector Jones, Maesteg, a bu iddynt un mab. Bu farw 25 Awst 1960.

### Awdur

**Megan Ellis**, (1906 - 2001)

### Ffynonellau

*The Carmarthen Journal and South Wales Weekly Advertiser*, 2 Medi 1960

gwybodaeth bersonol

### Dolenni Ychwanegol

Wikidata: Q7819577

**Dyddiad cyhoeddi:** 1997

**Hawlfraint Erthygl:** <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.

frannu

Arddull APA

x

Ellis, M., (1997). JONES-DAVIES, THOMAS ELLIS (1906 - 1960), meddyg a chwaraewr rygbi rhyng-genedlaethol. *Y Bywgraffiadur Cymreig*. Adferwyd 16 Tac 2024, o <https://bywgraffiadur.cymru/article/c4-JONE-ELL-1906>

Copyrwr

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government